

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

MIŠLJENJE

Po zahtjevu Javne zdravstvene ustanove „Gradska apoteka“ d.o.o. Gračanica

Sarajevo
oktobar, 2011. godine



Broj: 01-26-7-18-1-I/11
Sarajevo, 12. oktobar 2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta Javna zdravstvena ustanova „Gradska apoteka“ d.o.o., ulica Alije Izetbegovića 15., Gračanica, zastupana po direktoru društva Nadiri Kulenović, zaprimljenog od strane Konkurencijskog vijeća dana 23.9.2011. godine, pod brojem 01-26-7-18-I/11, Konkurencijsko vijeće, na 19. (devetnaestoj) sjednici održanoj dana 12. oktobra 2011. godine, je donijelo

MIŠLJENJE

Privredni subjekt Javna zdravstvena ustanova „Gradska apoteka“ d.o.o., ulica Alije Izetbegovića 15., Gračanica, zastupan po direktoru društva Nadiri Kulenović (u daljem tekstu: Podnosilac zahtjeva ili GRADSKA APOTEKA), podnio je Konkurencijskom vijeću Zahtjev za izdavanje mišljenja (u daljem tekstu: Zahtjev), zaprimljen dana 23.9.2011. godine, pod brojem 01-26-7-18-I/11.

U svom zahtjevu Podnosilac traži od Konkurencijskog vijeća mišljenje da nije obavezan provoditi postupak javnih nabavki za nabavku lijekova za komercijalnu prodaju krajnjim korisnicima, jer radi potrebe svakodnevnih nabavki manjih vrijednosti (godišnje više od 2.000 ulaznih faktura), stalnih promjena cijena i velikog broja dobavljača, provedbom postupka javnih nabavki ne bi bili konkurentni na tržištu.

Kako se dalje navodi, Podnosilac zahtjeva je javna zdravstvena ustanova „Gradska apoteka“ čiji je osnivač Općina Gračanica u vlasništvu 100%, organizovana kao d.o.o., te da je djelatnost apoteka komercijalnog karaktera, i finansira se isključivo od vlastite dobiti. Nadzor nad upravljanjem ima upravni odbor u kojem je više od polovine članova imenovalo tijelo lokalne uprave. Na teritoriji općine i grada postoji još 10 privatnih apoteka koje ravnopravno učestvuju na tržištu.

Također, Podnosilac zahtjeva naglašava kako mišljenje isključivo traži za nabavku i prodaju lijekova koja se prodaje kao trgovačka roba, jer sve druge nabavke opreme, kancelarijskog materijala, sredstava za održavanje čistoće provode adekvatne postupke javnih nabavki.

Podnosilac zahtjeva je u prilogu zahtjeva dostavio i mišljenje izdato od Agencije za javne nabave od 14.3.2006. godine broj 1.1-02-130/06, po zahtjevu JU Apoteka „Zdravlje“ Zenica.

Uzimajući u obzir nadležnosti Konkurencijskog vijeća, koje su određene članom 25. Zakona o konkurenciji ("Službeni glasnik BiH" 48/05, 76/07 i 80/09), Konkurencijsko vijeće smatra da nije nadležno za izdavanje mišljenja o obavezi ili neobavezi provedbe postupka javne nabavke od strane privrednih subjekta, na zahtjev istih.

Ovo mišljenje je dato sključivo na osnovu podataka iz Zahtjeva, te ukoliko ovi podaci odstupaju od navedenih ovo mišljenje se ne može primjeniti.

**Predsjednik
Ibrica Lakišić**